

PSALMI ALIQVOT
DAVIDICI IN ME-
trum Latinum traducti.

CVM ADIECTIONE DE-
cem Psalmorum ad notas suas
Musicas (vt in Anglicana
versione) compo-
sitorum.

In usum Academiæ.

Cum conciones habeantur
ad Clerum.



OXONIÆ,
Excudebat IOHANNES LICHFIELD
Almæ Academiæ Typographus.
ANNO DOM: 1630.

TOVOI/IMIA29

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

11/11/11

PSALMVS PRIMVS.

1 **B**Eatus vir non ambulans
Cum peccatoribus,
Se pravis non associans,
Nec sannionibus.

2 Sed in præceptis Domini
Est ejus gaudium,
Et in hac lege coelicâ
Incessans studium.

3 Ut fructum arbor rigua
Fert suo tempore,
Et frondes firmas; singula
Sic agit prosperè.

4 At certè consimiliter
Non erit impius;
Sed erit instar pulveris,
Qui fit ventivagus.

5 Idcirco in judicio
Non surgent impij;
Non stabunt in consortio,
In quo sunt integri.

6 Nam viri justi semitam
Cognovit Dominus;
Et in viâ malitiæ
Perdetur impius.

Idem

1 **B**eatus vir consilia
Malorum deferens,
Risorum linquens Cathedras;
Peccantes respuens.

2 Qui in mandatis Domini
Exercet animum,
Noctes diesq; ruminans
Coeleste pabulum.

3 Florescet instar arboris
Ad ripam consite,
Quæ suo florem germinat
Et fructum tempore.

4 Illius nunquam decidet
Marcescens folium,
Et si quod opus inchoet
exibit prosperum.

5 Nil

5 Nil tale peccatoribus
Continget: aridas
Sed sicut ventus flatibus
Dispellit paleas .

6 Nec stabunt in iudicio
Cum sanctis impij;
Iustorum contubernijs
Pellentur refugi.

7 Nam vias novit optime
Iustorum Dominus:
Sed impiorum semita
Peribit funditus.

Pfal. 13.

1 Quousq; seruum Domine
Mærentem deseres?
Quousq; lumen gloriæ
Iratu auferes?

2 Quousq; falsæ defluent
Per genas lachrymæ?
Quousq; cuiæ distrahent
Quietem animæ?

3 Cur pergit hostis insolens
Sarcasmos addere?

Cur fastu quærit intumens
Triumphos agere?

4 Ne latè sic impietas
Grassetur libera,
Quum Totus sis benignitas
Clementer adiuua.

5 Ne teneantur oculi
Lethali vinculo
Priuatur vultus famuli
Dum cæli radio.

6 Ne iactet hostis arrogans
Me fractum viribus,
Aut dicat æstu fluctuans
victum doloribus.

7 Nam si tantillum preualet
(Vel falso robore)
Quantos clamores efferet
Ex imo pectore.

8 Sic mea intus Anima
Exultans gestiet

Dum

Dum tantâ Deus gratiâ
Seruum afficiet.

Psal. 42.
Cantetur ut Psal. 51. vel ut
Lament.

I **V**t ad aquarum flumina
Cervus anhelus glocitat,
Sic mea, Deus, anima
Te avidè desiderat.
Est Dei fortis appetens
Dei viventis anima
O quando Dei rediens
Adstabo in præsentia:

Sunt mihi cibo lachrymæ
Ieiunum corq; ingemit,
Dum dicitur quotidie,
Quò Deus tuus abiit?
Hæc recordatus tacitus,
In me effundo animam:
Sed bonitatem protinus
Reduco in memoriam.

O quàm illius temporis
Consolor me imagine

Cum domum Dei canticis
Adibam multitudine:
Cum me sequutus populus
In cantu iubilantium
Lætitiarum vocibus
Et festa celebrantium.

Quid mea in me perstrepis
Mens ægra, tēq; crucias:
Spera, nam adhuc luminis
Saluti agam gratias.
Mens intus mæret: avijs
At è Iordanis Saltibus
Et Libani exiguis
Te recordabor rupibus,

Abyssus alt'rum invocat
Ab alveis canalium:
Me gravis fluctus irrigat
Aquarum Salientium.
Sed Iah præstabit gratiam,
Et noctu suum canticum;
Ad illum preces dirigam
Salutis meæ Dominum.

Sum hostibus ludibrio
Et mentem dolor deijcit

Dum

Dum risu rogant impio;
Quò Deus tuus abiit?
Quid mea in me perstrepis
Mens ægra, teq; crucias.
Spera; nam adhuc luminis
Saluti agam gratias.

Psal. 43.

S Vpreme Iudex omnium,
Me pressum subleva:
A gente me circumsitum
Non sanctâ vindica.

Tu Deus fortitudinis
Et fortalitium,
Cur hosti servum deseris,
Cruento deditum?

Et cur incedo tetricè,
Dum sævit impius?
Tu veritatis lumine
Demisso cœli. ùs

Illustra, quod me dirigat
Ad montis apicem,

Et

Et Tabernaclo colloquet
Quo tecum habitem.

5 Purus Altare visitem
Cum thymiamate;
Et Deum meum geminem
In voce citharæ.

6 Cur ô turbaris Anima,
Cur me excrucias?
Tu Deum supplex invoca
Et fidens ad eas.

7 Is vultus mei radius
Dat cordi gaudium,
Hunc confitebor laudibus
In omne seculum.

Psal. 67.

1 **M**iserere nostri
Salvator Domine,
Et vultus nocte obritos
Illustra lumine.

2 Terrarum incolis
Sit via cognita,

Sit

Et Sancta salus Gentibus
Cunctis conspicua.

Confiteantur te
O Deus populi;
per vniversum celebrent
Te laude singuli.

Lætetur Gentium
Vniversalitas,
Quòd æquitate populos
Et jure judicas.

Confiteantur te
O Deus populi;
per vniversum celebrent:
Te laude singuli.

Tum fructum proferent
Arvorum iugera:
Et benedicet Dominus
Terrarum semina.

Benedicet Dominus
Nobis: & diffusi
Timebunt illum vndiq;
Terrarum anguli.

Psalm. 70.

Psal. 70.

1 **F**estina Domine,
In adiutorium,
Et ser oppresso properè
Præsens auxilium.

2 Pudore rubeant
Qui nocent animæ,
Et perditorum pereant
Graves insidiæ.

3 Infami stupeant
Acti vertigine,
Qui eugè, eugè, clamitant
Ridentes impiè.

4 Lætentur interim
Ereçti cordibus,
Qui te tuamq; celebrent
Salutem laudibus.

5 Ego me pauperem
Agnosco miserum:
Veni saluator impiger
In adiutorium.

6 Moras abrumpitō
Fatisco tremulus:
O liberator advola
Et veni ocyus.

Psal. 93.

*Cantetur ut
Psal. 100*

1 **I**Ehova cum potentiā
Regnat, indutus robore:
Se maiestatis gloriā
Accingit tanquā chlamyde.

2 Ne moveat in Soeculum
Hic stabilivit aridam,
Et ante ævum conditum
Suam Firmavit regiam.

3 Ut ut attollunt horridos
Fragorum Sonos flumina,
Et per aquarum alueos
Superba fremunt maria

4 At tu ex alto superas,
Stant firma testimonia,

Et

Et in æternum Sanctitas
Tua decebit atria.

Psal. 100

- 1 **O**Rbis Terrarum incolæ
(sol quaquà facit ambitum)
Laudate nomen Iehovæ,
Quod est præ cunctis splendidum.
- 2 Servite in lætitiâ,
Et exultate gaudijs:
Adite Templi limina,
Et iubilare canticis.
- 3 Scitote, quòd sit Dominus
Nostræq; Deus fabricæ;
Nàm gregis sumus Illius,
Et suæ pecus pascuæ.
- 4 Intrate portus Iehouæ,
Puris orantis mentibus,
Benignitatem pangite,
Et prædicate gentibus.
- 5 Nam nullis est clementia
Dei claudenda Terminis;

Sed firma misrecordia
Stat posterorum posteris

Psal. 112.

BEatus Domini
Timore præditus,
Et in divinis ambulans
Præceptionibus.

Ejus posteritas
Potenter efferet
In terra se, & prosperam
Ætatem transiget,

Fluent divitijs
Illius atria,
Durabit in perpetuum
Ejus justitia.

Lumen in tenebris
Nascetur subitò
Viro clementi, humili,
Iusto, benefico.

Nam dabit mutuò
Et miserebitur,

Verborum

Verborum cum iudicio
Modum tuebitur.

6 Nunquam movebitur,
Quodcunq; ingruet;
Rumores ore impavido
Quoscunq; audiet.

7 Nam cor in Domino
Suffultum gestitat;
Dum vitionem hostibus
Bellator irrogat.

8 Dedit pauperibus
Disperfit largiter,
Laus ejus cum honoribus
Florescet jugiter.

9 Videbunt impij
Et frendent dentibus;
Nec cedent desideria
Eorum mentibus.

Psal. 112.

Psal. 112.
Cantetur ut Pater
noster.

- 1 **B**eatus quisquis Dominum
Et leges eius recolit
- 2 Semen in terris prosperum
Deus potenter euehit.
3 In domo affluentia,
Et remanet iustitia.
- 4 Lux oritur in tenebris,
Et emicat perspicua
Habet in eius oculis
Sedem misericordia.
- 5 Vir iustus dabit mutuo,
Res agit ex officio,
- 6 Certe non talis decidet
Vigebit sed perpetuo.
- 7 Rumores malos negliget
Pio securus animo.
8 Cor firmum, timor exultat
Hostes quod pressos Videat.
- 9 Dispersit dedit largiter
Æterna stat iustitia.

Et cornu eleuabitur

Malorum cum inuidia.

10 Immo frendebit dentib

Mox periturus impius.

Psal. 113.

Qui Deum servi colitis,
Illum laudate canticis

Deinceps, & in sœculum:

3 Sol vnde clarus oritur,

Donec cursu reuertitur,

Sit nomen eius splendidum

4 Cunctis Iehoua gentibus
Regnis terrarum omnibus

Et coelo supereminet.

5 Quis Deo sese conferat?
Deo qui altè habitat?

Rex, coeli throno insidet.

6 Mirè se Deus deprimat
Ad infima dum perspicit

In coelo simul & terrâ.

7 Presso succurrit properè,
Et erigit è puluere,

Motus misericordiâ.

8 Ad maiestatem eleuat
Et facit vt confideat
Cum populi ingenuis.
9 Quæ sterilis familiâ,
Sedet mater lætissima.
Allelu-iah cantabitis.

Psal. 114.

1 **C**VM limitem deseruit
Iacob Ægyptium,
Et cum seruile Israel
Liquit hospitium:

2 Tum Iuda Sanctuarium
Iehovæ audit,
Et Israel Dominium
Supremi subiit.

3 Quod mare videns iuncum
Metu resiliit.
Iordanis vnda sentiens
Retrorsum abiit.

4 Montes instar Arietum
Dare tripudium
Coepere, colles humiles
Vt Agni ovium.

A

B 2

5 Quæ

5 Quâ mare vi perterritum
Fugisti insolens?
Quâ motus es potentia
Iordan resiliens?

6 Quis montes in tripudium
Instar Arietum,
Colles salire, compulit,
Vt Agnos Ovium?

7 Tremisce Tellus impotens
Præsente Domino;
Coram Iacobi præsede
Tu contremiscito.

8 Nam Petras hic in fluidum
Convertit laticem,
Et in Aquarum gurgites
Horrentem silicem.

Psal. 117.

I O Gentes omnes vndiq;
Laudate Dominum
Illum laudate populi,
Per orbis ambitum.

Nam ingens est Hominibus
Illius bonitas.

Et in æterna secula
Iehovæ veritas.

Sit laus Trin-vni Domino
Honor, & gloria,
Ab vniverſo populo
Per cuncta secula.

Pars 5^a Psal. 119.

Legum tuarum ſemitam
Me doce Domine:
Ad vſq; vitæ terminum
In hâc me dirige.

Legis tuæ peritiâ
Concede ſamulo,
Et exercebo ſpiritum,
In eius ſtudio.

O Deus, quicquid præcipis
Fac hoc percipiam;
Et totum in hoc ſtudium
votumq; habeam.

4 Tuas ne leges violem,
Est votum vnicum :
A turpis lucris studio
Avertas animum .

5 Averte meos oculos
Ne vanum videant,
Vitam & lucem gressibus
Mandata præbeant.

6 Verbi sacrum eloquium
Confirma famulo:
Te solum semper recolo,
Te solum metuo .

7 A fannis & opprobrio
Me semper vindica;
Sunt tua in perpetuum
Iusta iudicia.

8 Amaui corde intimo
Mandata coelica;
Legis tuæ institiâ
Servum vivifica.

1 **C**orde reficimur
Eo quod dicitur
Domum Iehovæ petimus
2 Quod figimus pedem
In te Hierusalem
3 Vrbs quæ constructa pulchrius.

4 Simul confluxerant
Et huc ascenderant
Dilectæ Tribus Domini
Vt testimonium
Dent, et elogium
Omnipotentis nomini.

5 Nam ibi ponitur
Et constituitur
Thronus iuris Davidici,
6 Pacem expetite
In Hierosolimæ
Muris, fautores singuli.

7 Sit pax palatijs
Et in tentorijs,
8 Nam sociorum gratiâ.
Et delectissimi

Ob templum Domini
Læta precabor omnia,

Psal. 123.

1 **L**evavi oculos
Ad te ô Domine,
Qui coeli culmen habitas
In claro lumine.

2 Herorum digitos
Vt notant famuli,
Aut ancillarum Dominam
Sequuntur oculi:

3 Sic ad te flestimus
Obtutum seduli,
Dum miserendo liberaſ
A faſtu Impij.

4 Eſto propitius
Salvator optime.
Et miſerere quaſumus
Deſpectæ animæ:

5 Quæ ſannis divitum
Expoſta langueſcit,

Et

Et superborum satura
Contemptu ingemit

Psal. 128.

BEatus Dominum
Timore prosequens
Et gressus in coelestibus
Mandatis dirigens.

Laborem manuum
Tuarum comedes,
Et fortunarum cumulum
Adauctum senties.

Vt domum extimam
Venustat botrubus
Vitis: sic partes intimas
Vxor virtutibus.

Mensam circumdabit
Natorum circulus.
Et Olivarum plantulae
Agrorum ambitus.

Sic prosperabitur
Vir timens Dominum,

Totius

Totius vitæ transiget
Felix curriculum.

6 E sion Dominus
Te dabit sospitem;
Bonorum te Ierusalem
Reddet participem.

7 Vt pace Israel
Fruaris suaviter,
Natos natorum intuens,
Felices jugiter.

Psal. 131.

1 **N**on vnquam mihi Domine
Inflatus animus.
Nec grandi Supercilio
Elatus oculus.

2 Nec altè gressum sustuli
In rebus arduis:
Sed ab lactato puero
Incedo similis:

3 Ceu pulsus infans ubere
Repressi animum:

A deo pende Israel,
Nunc & in sæculum .

Psal. 133 .

1 **E**Cce quàm bonum , commodum ,
Et quàm est splendidum ,
Fratres cùm strictè teneant
Amoris vinculum .

2 Vt balsamum , quod capiti
Aaronis funditur ,
Per barbam, inde vestium
Oras allabitur .

3 Vt ros è sacris montibus
Distillans suaviter
In hoc salus, à Domino ,
Et vita jugiter .

Idem.

1 **E**Cce quàm commodum ,
Et bonum fratribus ;
Si mutuis cohabitent
Conjuncti cordibus .

2 Est

2 Est compar oleo
Aaronis pistico,
Quod summo fufum vertice,
Rore nardifluo,

3 Perfudit integram
Barbam; hinc pendulas
Descendit vestis imbuens
Odore fimbrias.

4 Aut monti Hermonis
Qui crebris alluit
Montes Sionis imbribus,
Et pingues efficit.

5 Hic dat Omnipotens
Bonorum cumulum,
Et vitæ tandem tribuit
Æternæ præmium.

Pfal. 137.

1 **A**D fluuios in Babilon
Mæsti plorauimus;
Dum montem Dei (O Sion)
Te memorauimus.

2 Hic

2 Hic tenuère Salices
Lugentes citharas,
Et gemibundas latices
Sensère voculas.

3 Qui nos captiuos duxerant
Petebant cantica,
Vt olim quando steterant
Sionis mænia.

4 Quis autem voces Musicas
Proferre potuit,
Vbi Iehouæ sanctitas
Procul euauit?

5 Quin terræ natalitiæ
Si non meminero
Et (Salem) te lætitiæ
Caput posuero:

6 Ne digitus tunc calleat
Lyram vel tympanum,
Palato et adhæreat
Loquelæ organum.

7 En Edomæi clamitant,
Vastate mænia,

Hic

Vastate

Vastate rursus iterant,
Cernamus rudera.

8 Beatus qui nequitiae
Vltor advenerit
Babelis, & loetitiae
Causas ademerit

6 Beatus qui prehenderit
Eorum paruulos,
Ad duras & alliserit
Petras articulos.

Psalm. 148.

Laudate coelites
Iehovam canticis,
Ejusq; milites
Choris angelicis;
Sol jugiter
Et lucida
Coeli sidera
Illumq; æther.

Et nubes ætheris
Laudate gloriam

Iehov

Iehovæ nominis,
Qui mundi fabricam
Creaverit
Et decreto
Oris cælico
Firmaverit.

Et vos terrestria
Mare, & abyssi,
Cete immania,
Pisces æquorei,
Et procellæ
Nix, et ignes,
Illum grandines
Collaudate.

Iehovam arbores
Laudent fructiferae,
Cedriq; et montes,
Omnesq; bestiaë,
Et omnia
Reptilia
Volatilia
Et jumenta.

Terrarum iudices,
Et reges gentium,

scnes

Senes et iuuenes

Laudate Dominum :

Nam editum

Nomen supra

Altum æthera

In sæculum.

Et cornu efferet

Israëliitarum

Et famam evehet

Eorum omnium

Qui amant Iah

Et propinqui

Pfallent angeli

Allelu-jah.

Psalmus ultimus.

Laudate gentes Dominum
In sanctuario;

In sanctis ejus dicite

Laudes Psalterio.

In sono tubæ psallite

Choris, & tympano,

In Cymbalis sonantibus,

Chordis, & organo.

Allelu

Allelu-jah cantabimus
In voce jubili.
Et laud et omnis spiritus
Virtutem Domini.

Lamentatio.

In te confido Domine
Exaudi me dum clamito
Ad peccatorem respice
Sed pietatis oculo.
Ecce quam semper doleat
Miser peccata ingemens,
Heu poenas vllas subeat
Tibi placere cupiens?

Non sic, non sic, efficias,
Tu peccatores corrigis,
Quos si contritos videas
Eorum voto annuis
Exaudi vocem supplicis,
Crimen horrendum ablue,
Fons tui, Christe sanguinis
Nullo arescit tempore.

Ad me, O Deus, propera,
Infunde mihi gratiam,

Vt cum hæc vita lubrica
Volabit, coelo maneam,
Quo regnas coætaneus
Patri, qui te huc miserat.
Et chorus tibi coelicus
Æternos hymnos gemitat.

FINIS



